

84 (WitaBatt) 20/2/13 (Rabu) MS:NT

Pelajar IPT minta jumlah BB1M ditingkatkan

Kuantan: Pelajar institut pengajian tinggi (IPT) berharap kerajaan mempertimbangkan menambah jumlah bantuan Baucar Buku 1Malaysia (BB1M) berikutan kenaikan harga buku terutama terbitan syari'at luar negara.

Mereka yang menghargai keprihatinan kerajaan menyediakan bantuan itu, berpendapat cadangan berkenaan seajar dengan bayangan kerajaan untuk menambah jumlah Bantuan Rakyat 1Malaysia (BR1M) pada masa depan.

Pelajar tahun tiga Fakulti Kejuruteraan Kimia dan Sumber Asli (Bioteknologi) Universiti Malaysia PAhang (UMP), Nursyakirin Roslee, 22, dari Kluang, Johor, berkata harga sebuah buku rujukan dalam bidang sains dan teknikal terbitan syari'at luar negara antara RM100 dan RM200.

Justeru, beliau berharap

kerajaan mengambil kira kebijakan pelajar berhubung perkara itu, selain kedudukan ekonomi dan kewangan negara.

Perlu lebih banyak buku

"Kami boleh menggunakan BB1M untuk membeli satu atau dua buku rujukan dan bahan alat tulis tetapi jika jumlahnya dinaikkan, lebih banyak buku ilmiah dapat dibeli. Kami memerlukan buku sedemikian untuk rujukan," katanya.

Menerusi Bajet 2013, pelajar IPT layak menerima BB1M berjumlah RM250 berbanding RM200 sebelum ini sebagai bukti keprihatinan kerajaan membela kebijakan golongan itu.

Abdul Naem Suhaime, 22, dari Ampang, Selangor, berkata pelajar perlu membeli lima hingga enam buku setiap semester, termasuk terbitan

luar negara.

Presiden Majlis Perwakilan Pelajar (MPP) universiti itu, berkata harga buku terbitan tempatan pula sekitar RM80 hingga RM100 setiap satu.

Hanya beli alat tulis

"Oleh demikian, ada pelajar yang mendapat BB1M lebih gemar membeli alat tulis kerana dapat membeli dengan jumlah yang banyak," katanya yang juga pelajar UMP.

Pelajar Tahun Pertama Fakulti Sains Komputer (Grafik dan Multimedia) UMP, Chee Lok Yee, 21, dari Kampar, Perak, berkata bantuan itu wajar dinaikkan berikutan kenaikan kos membeli buku dan alat tulis.

"Memang kami dapat pinjaman seperti Perbadanan Tabung Pendidikan Tinggi Nasional (PTPTN) tetapi bagi kami yang keluarga berpendapatan rendah, ia masih tidak mencukupi untuk membeli buku rujukan.

"Saya menghargai jika kerajaan turut berhasrat menaikkan jumlah BB1M seperti bantuan BR1M," katanya.

Sementara itu, pelajar tahun akhir Fakulti Sains Komputer Kolej IKIP, Nurul Nadiah Azizul, 22, dari Bangsar, Kuala



"

Bantuan wajar dinaikkan berikutan kenaikan kos membeli buku dan alat tulis"

**Chee Lok Yee,
Penuntut UMP**

Lumpur, berkata jika jumlah BB1M ditambah, ia membantu mengurangkan beban pelajar.

"Buku rujukan sains lebih mahal berbanding sastera dan ini menyebabkan saya dan rakan terpaksa meminjam buku senior atau fotostat kerana tidak mampu membeli semua buku rujukan terutama penerbitan luar negara," katanya.